





umayukhiuktinit, kaipkainahualugit tuktut, hanianut nani tukulaaktinik, iigaktuitiminik *taluit* ovalo tukutikhugit pitikhimut.

Ilangit Inuit autlaakpaktut iluani kuugait auyami umayukhiukhutik tuktunik ovaluniit paungakhiukhutik, atukhutik inuuviviniit hiniktakviit, unghahikhinahuakhutik nunaminit, aliaginahualugit inuuyaami nunami ovalo naalalutik nunait ingilgaatitut.

Kinguliani, kuugait atukhimayut apkotaikhainik kitkani Nunavut, autlaavigiyait nunauyalikhimaitut nunait ukiumi ovalo ayonaituk autlaagiagani kayakut auyami, tahapkoa kinikhiayut ukiuktaktumi. Autlaaktut, ilangit; Samuel Hearne, Franklin ovalo Tyrrell nukakatigiit atukhimayait kuugait autlaavigivlugit, kinikhiaplutik uyakanik, apkotikhainik Ukiuktaktut Hinaani ovalo Northwest Passage, ikaakvikhait tagiut ovalo amigaitut amiit niuviktaulaaktut.

Ublumi, aalat kaivaktut naluhuinahuakhugit nunait ovalo Inuit nunakyuamit aliagiyait nunait ovalo kinikhiayut pinigutainik aktuktauhimaituk nunat. Amigaitut autlaaktut kayakut ovalo aliaginahuaktait “*katjaqnaaq*” ilaulilutik inminik piniktumi Nunatiak.

Iitagivlugit nakuutiagutait inuuviviniit ovalo inminik inuuviviniit, pingahut Nunavumi kuugait atiktauhimayut “Kanatami Inuuviviniit Kuugait” – Thelon, Kazan ovalo Soper. Hitamiit, Coppermine Kuugait, tugaaktauhimayuk Kanatami Inuuviviniit Kuugait. Atugutikhait iniktigiagani mikhaanut tamaat atiktuitjutikhait iniktiliktut ovalo iniknahuaktait 2008mi.

Nunavumi pingahut atiktuihimayut ovalo tugaaktauhimayut Kanatami Inuuviviniit Kuugait hivuliit kuugainik, tamamik ilaayut angiyumik hanatiligiyyit Inuit inuuviviniit ukiugaalumi.

### THELON KUUGAIT

Uataani Thelon Kuugait, autlaktihimayut kivataanit Great Slave Tahianit ovalo nuutitikhutik tamaat nunaini, imaiyakhutik Hudson Bay, haniagut Qamanituaq ovalo Igluligaarjuq. Thelon ovalo kuugayait kuvivaktut iluanut Thelon Umayuligiyyit Minguiktikviit, hanahimayut 1927mi, munagiyaangani tamaliktut omingmait umayukhiuktunit, umayut haniani Thelon amigaitut ovalo aalatkiit ovalo ikhivalaangitut talvani, nani umayukhiuktut. Omingmait amigailiktut ovalo nutaat umayut takulaaktut.

Beverly Tuktuit nuutitivaktut iluanut Thelon nunaini, amigaitpiaktut tuktut, ilaa takulaaktut kuugaini ovalo ikaakviini. Tuktuvait takulaaktut kaangani Thelon. Nunait aalatkiiktut ovalo alianaktut, ilauplutik napaaktuliit ilanganut napaaktuituk nunait ovalo kaiktuit nani kaalaat ivavaktut, hiugayait kingiktut, nunait nuutituyut ovalo kingiktut hikuliit iluani, taivaktut pingos.

### KAZAN KUUGAIT

Kazan Kuugait kuviyut kananaganut Nunavumi keeliniit, ilaulikhutik Thelon iluanut Qamanituaq. Hapkoa malguk kuugait ikpinaktut hanatiligiyyinik Inuit inuuviviniit; ukiugaalumi, nunait tunivaktut nakuutiaktumik umayukhiukviit ovalo ikalukhiukviit ovalo ikayukhimayait Inuit pilaalugit tuktut ovalo ikaluit. 200mi ukiuni, atulikhimayut apkotikhainik Inuit nuutitakaktut ukiuk tamaat ovalo hinaangit tunilaaktut takuyakhainik Inuit ovalo Itkiliit atukhimayainik nunait. Qamanuriaq tuktuit nuutitivaktut hinaani Kazan ovalo takulaaktut kayaktuktunit. Ovalo, hamna kuugait ovalo tahiit, imaiyakiitlu ikayuktut amigaitunik ikalukpinik ovalo pilaaktut anginikhaamik ikalukpinik ukiuktaktumi.

### SOPER KUUGAIT

Soper Kuugait naitkiyayut nigiyagani Qikiqtaaluk. Kuviyuk ikaanut Meta Incognita Nuvuani hanianit Iqaluit, Kimmirumut, ovalo akhut atuktaunginaktuk autlaagutainik Inuit Qikiqtaalumi. Tuktut amigaitut haniani Soper ovalo kaiktuit haniani kuugait ivaviktut amigaitunik tingmianik, ilangit kaalaat ovalo itigaliit. Aalatkiit uyakat takulaaktut pipkaivaktut kuugait nakuugitiaktait nunauyaligiyyit.

### COPPERMINE KUUGAIT

Ilangani Nunavumi Coppermine Kuugait atiktauhimaliktuk Inuuviviniit Kuugainik ovalo atugutikhait havaliktut. Hamna angiyuk kuugait kuviyut napaaktulimit Lac De Gras, iluanit napaaktuliit ovalo kuvivluni kingiktunit, nunainut kuvivluni Coronation Tagiunganut Kugluktumi. Kayaktuktut hamani kinguliit kuugaini kaanginiaktut amigaitut takuyakhainik Inuit atukhimayait nunait, ovalo piniktuk takuyakhait nunait.

Umayut ilauyut; tuktut, omingmait, tiginganiat, kalviit, akhait ovalo aalatkiit tingmiat, ilauyut; kaalaat, itigaliit, kakhaut ovalo itigagiat.

Kanatami ilaukatauyut kuugait angiyut ovalo aalatkiit, Kanatami Inuuviviniit Kuugait kitkaniitut, takuyakhait inminiigutainik ovalo inuuviviniit. Kanatami Inuuviviniit Kuugait Atugutait (CHRS), Kanatami kuugait minguiqtikviit pilihimayuit. Tuhaktitiyut, munagiyut ovalo ikayuktut Kanatami kuugait inuuviviniit ovalo pilutik Kanatami hivuliit kuugait munagiyautiaktut tamaktailugit.

Ayonaktuk ilauligiagani Kanatami Inuuviviniit Kuugait, atugutait akhuunamata ovalo inihalaitut. Maligutikhait pikatut piyaangani atiktauyumayut kuugait pikaktut maligutikhainik ovalo ukpigijutikhainik maligutikhait, naunaiyakpaktut Kanatami hivuliit kuugait. Kuugait pikaktukhat inminik ukpigiyainik, kinguliit ikpinagutainik ovalo olapkivikhait pilaaktakhainik. Hakugiktumik Inunit ikayuktauyukhat atiktautjutainik, takupkailugit ovalo takupkailugit munagitjutikhainik ilihimayut tahapkoa ukpigiyait pihimaniaktut.



Hanayaangani Kanatami Inuuviviniit Kuugait malgunik atuktut maligutait, atiktuitjutainik ovalo ilitagitjutainik. Nunavumi, Nunavumi Pulaaktiligiyit havakatigiiktut nunait atiktaunahuaktumik kuugait tamamik maliktait pilihimayuit ovalo pihimalugit nunait tikitumayainik. Atiktuiyaangani kuugait tuniniaktut Kanatami Inuuviviniit Kuugait Katimayiitut ovalo katimayiit pitkutitiliniaktut tunilugit Ministamut munagiyuk, anginiaktait atiktuitjutainik talvatuak pihimakpagit CHRSkut maligutikhait.

Atiktauhimayuk kuugait ilitagiyaulaaktut munagitjutikhait paknaiyautikhait ovaluniit inuuviviniit uktugutikhait autlaktikpagit katimayinut kavamatkunit atiktigumayainit. Hanatiligiyiit munagiyiit paknaiyautikhait ovaluniit inuuviviniit uktugutikhait atuniaktut Inuit ukakatigilugit ovalo angikhimakpata. Tamamik munagitjutikhait havaniaktait Kanatami Inuuviviniit Kuugait atuniaktut pikaktunik akigaktuitjutainik ovalo maligutikhainik ovalo ikpigikpagit inminiigutait nunakakaakhimayhut, nunait, inminik nunakaktut ovalo aalat ilaukatauyut.



Tamamik hitamat Nunavumi atiktauhimayut ovalo ilitagiyauhimayut inuuviviniit kuugait tunivaktut olapkitjutikhainik pilaaktakhait aalangayut nunaini. Kayaktukhimayut ilaukatauyunit tamaat nunakyuamit ovalo tunilutik aliagiyainik kihimi avaligiagani ovalo aliahigiagani umayut ovalo nunait. Tamamik kuugait ilauyut nuutitigutainik atuktait aalatkiit tuktut ovalo tamamik tunilaaktut aalatkiinik nunainik ovalo aalatkiit kayumigutait kuugait.

Takulugit avalitumik ukautait tamamik hapkoa kuugait ovalo ikayuktauyaangani paknaiyautikhainik autlaagutikhait hapkoa kuugait, takulugit Nunavumi Pulaaktiligiyit kagituayakut takulvia hamani: [www.nunavutparks.com](http://www.nunavutparks.com), ovaluniit Kanatami Inuuviviniit Kuugait kagituayakut takulvia: [www.chrs.ca](http://www.chrs.ca). Ovaluniit, foniklugit Nunavumi Pulaaktiligiyit akiitumi: 1-866-NUNAVUT apigiyaangani Nunavumi Autlaagutikhait Paknaiyautikhainik, katitikhimayut tamamik laisinsikatut munagiyiit, hiniktakviit ovalo ikayugutikhait atuniaktut tamamik kuugaini. ■

#### **NUNAVUMI PULAAKATAKVIIT OVALO NUTAAT NUNAIT**

☎ 867.975.7700 📠 867.975.7747  
[parks@gov.nu.ca](mailto:parks@gov.nu.ca)  
[www.nunavutparks.com](http://www.nunavutparks.com)

#### **NUNAVUMI PULAAKTILIGIYIT**

☎ 866.NUN.AVUT 📠 867.979.1261  
(1.866.686.2888)  
[info@nunavuttourism.com](mailto:info@nunavuttourism.com)  
[www.nunavuttourism.com](http://www.nunavuttourism.com)

#### **KANATAMI INUUVIVINIIT KUUGAIT**

☎ 819.994.2913  
[www.chrs.ca](http://www.chrs.ca)



